



SBASHK Arsimimi sot

Dhjetor, 2025

Gazeta elektronike

SBASHK-u përgatiti Planin strategjik 2026-2031

Një vit me plot angazhime në shërbim të anëtarësisë



SBASHK-u ka vazhduar me aktivitetet sindikale përkrahur nga Qendra Amerikane e Solidaritetit. Kështu më 20 dhe 21 dhjetor 2025 ishin gjendur në një punëtori, që kishte për objektiv përgatitjen e Planit strategjik të aktiviteteve sindikale për pesë vitet në vijim ... (faqe 3-4)




SBASHK vitin 2025 po e përmbyll duke analizuar angazhimet në shërbim të anëtarësisë.... (faqe 2)

Mësimdhënësit në Klinë janë të ngarkuar administrativisht, derisa paga e tyre nuk përputhet me punën



Mësimdhënësit në komunën e Klinës kanë shprehur probleme të shumta sa i përket kushteve të punës ... (faqe 3)

SBASHK zgjidhet Anëtar Kandidat për Zgjerim në Komitetin Ekonomik dhe Social Evropian (EESC)



SBASHK gjatë dhjetorit ka pranuar njoftimin zyrtar nga Komiteti Ekonomik dhe Social Evropian (EESC) se është përzgjedhur për të qenë Anëtar ... (faqe 4)

SBASHK kërkon sqarime rreth konkursit për Këshillin Ekonomik Social

Ministri në detyrë Hekuran Murati e kishte bërë të pamundurën që ta bllokojë dialogun social mes Qeverisë ... (faqe 10)



Editorial

Një vit me plot angazhime në shërbim të anëtarësisë



SBASHK vitin 2025 po e përmbyll duke analizuar angazhimet në shërbim të anëtarësisë. Ishte ky vit pa institucione dhe prandaj nuk kishte as dialog e as nuk kishim kujt t'i drejtojmë kritikën dhe pakënaqësitë përmes veprimeve sindikale. Nga ana tjetër stafi qendror i SBASHK-ut bashkë me kryetarët e nivelit komunal sindikal e të universiteteve ka zhvilluar shumë aktivitete në shërbim të anëtarësisë. Një aktivitet i tillë ishte edhe organizimi i trajnimeve për mijëra anëtarë e anëtarë. Po ashtu falë përkushtimit të sekretarit të përgjithshëm, Ymer Ymeri dhe stafit qendror u vazhdua me aktivitetin tradicional për pushime të një numri të konsideruar të anëtarëve e anëtarëve nga e tërë Kosova. Një aktivitet i veçantë ishte edhe takimi dhe aktiviteti me veteranët e SBASHK-ut. Ata edhe këtë vit u takuan dhe shpalosen kujtimet për vitet e kaluara në shërbim të edukimit e arsimit të brezave. Vlen të veçohet edhe prezantimi i suksesshëm i përfaqësuesve të SBASHK-ut në aktivitetet e Internacionales Botërore të Arsimit dhe të Unionit të Sindikatave të Arsimit të Evropës. Në këto veprimtari sindikale janë zhvilluar diskutime përmbytjesore dhe është

bërë shpalosje e sfidave, arritjeve dhe angazhimeve në shërbim të anëtarësisë kudo në Evropë e tërë botën.

SBASHK edhe në këtë vit ka zhvilluar shumë takime me anëtarësinë, duke i vizituar gjatë trajnimeve e po ashtu janë mbajtur edhe shumë takime me kryetarët e nivelit komunal sindikal e të universiteteve për të debatuar shtruar për gjithë çështjet aktuale dhe duke dhënë ide për aktivitetet në vijim.

Një moment i veçantë për SBASHK-un ishte punësia për përgatitjen e Planit strategjik për pesë vitet në vijim. Përfaqësuesit e SBASHK-ut bashkë me zyrtarët e lartë të Qendrës Amerikane të Solidaritetit, Bruna Hylviu dhe ekspertin e arsimit, Dukagjin Pupovci, kanë përgatitur me përmbytjen e kësaj Strategjie duke veçuar qeverisjen dhe kapacitetet organizative, anëtarësia dhe shërbimet për ta, dialogu social, financat dhe qëndrueshmëria institucionale dhe komunikimi, dhe imazhi publik. Në fjalët përshëndetëse kryetari i SBASHK-ut, Rrahman Jasharaj dhe sekretari i Përgjithshëm, Ymer Ymeri duke falënderuar Qendrën Amerikane të Solidaritetit dhe znj. Bruna kanë kujtuar me respekt edhe aktivitetet tjera nëpër komunat e Kosovës. Zyrtarja e lartë e kësaj Qendre të Solidaritetit ka theksuar se SBASHK-u është dëshmuar me angazhimet në shërbim të anëtarësisë dhe është zë i fuqishëm sindikal dhe prandaj do të vazhdohet me angazhimet e përbashkëta të SBASHK-ut dhe Qendrës Amerikane të Solidaritetit për të realizuar objektivat e duhura që të krijohet një zë edhe më i fuqishëm sindikal.

Për çdo pyetje, sugjerim apo informata shtesë, mund të vizitoni ueb-faqen tonë:

www.sbashk-rks.org

Mos hezitoni të na jepni sugjerime për përfshirjen edhe të ndonjë rubrike në interes të anëtarësisë në gazetën e juaj elektronike Arsimi SOT.

Që SBASHK-u të jetë gjithnjë në shërbim të anëtarësisë, së shpejti do të oftojmë shërbime këshilla për ngritje profesionale për anëtarët e vet si dhe së shpejti do të paraqiten video-spote në uebfaqen e SBASHK-ut rreth shërbimeve për anëtarësinë.

Botues: Sindikata e Bashkuar e Arsimit, Shkencës dhe Kulturës e Kosovës (SBASHK) përfaqëson mbi 24.000 anëtarë në tërë territorin e Kosovës duke përfshirë edhe komunitetet, SBASHK është anëtarë e Edukimit Ndërkombëtar që nga viti 1996 me drejta të plota.

Email: info@sbashk-rks.org

Tel: +383 (0) 38 226 940



Intervista

Mësimdhënësit në Klinë janë të ngarkuar administrativisht, derisa paga e tyre nuk përputhet me punën



Mësimdhënësit në komunën e Klinës kanë shprehur probleme të shumta sa i përket kushteve të punës, por më kryesorja është ajo e ngarkesës administrative që po u bëhet në punë, derisa si rrjedhojë edhe paga është e ulët dhe në mospërputhje me angazhimet në punë.

Sa i përket këtyre problemeve dhe synimeve për zgjidhjen dhe përmirësimin e kushteve të punës, SBASHK për muajin dhjetor të gazetës “Arsimimi Sot”, ka bazhëbiseduar me kryetaren e sapo zgjedhur të NSKAP-it në Klinë, znj. Njomza Limanaj.

SBASHK: Cilat janë synimet e juaja si kryetare e re e NSKAP-it në Klinë?

Limanaj: Synimet e mia si kryetare e re e NSKAP-në Klinë janë:

- Mbrojtja e të drejtave të punëtorëve të arsimit,
- Sigurimi i respektimit të kontratës kolektive,
- Trajtimi i barabartë dhe i drejtë i të gjithë punonjësve në arsim,
- Forcimi i dialogut në institucionet komunale dhe qendrore,
- Bashkimi brenda sindikatës,
- Zhvillimi profesional dhe mbështetja për mësimdhënësit.

SBASHK: Cilat janë problemet e mësimdhënëseve të cilat synoni t'i adresoni dhe t'i zgjidhni si kryetare e re?

Limanaj: Problem kryesor i mësimdhënëseve është paga e ulët dhe mospërputhja me ngarkesën në punë. Ngarkesa e

tepruar administrative, kushtet e papërshtatshme në punë, mungesa e respektit në punë, mos respektimi i kontratës kolektive, mungesa e përfshirjes në vendimmarrje etj. Synimi im si kryetare e re është t'i kthej këto probleme në kërkesa të realizueshme dhe të jem zëri i tyre në çdo institucion.

SBASHK: Cilat janë nevojat e mësimdhënëseve sa i përket rritjes së cilësisë dhe përmirësimit të kushteve të punës?

Limanaj: Nevojat të mësimdhënëseve në punë për rritjen e cilësisë në arsim janë të shumta por disa janë të domosdoshme dhe unë s'i shoh këto si nevoja të cilat dojnë një zgjidhje të shpejtë.

Ndër to janë kushtet më të mira në punë, klasa funksionale, ulje e ngarkesës administrative, digjitalizimi, zhvillimi profesional, respektimi dhe mbrojtja ligjore e mësimdhënëseve, përfshirja në vendimmarrje, mbështetja profesionale.

SBASHK: Sa është interesimi i mësimdhënëseve për t'i ndjekur trajnimet që SBASHK i ofron pa pagesë për anëtarësinë e vet?

Limanaj: Në përgjithësi interesimi i mësimdhënëseve për të ndjekur trajnimet që ofron SBASHK-u është i lartë sepse keto trajnime lidhen drejtpërdrejt me punën e tyre në klasa, kane certifikim dhe njihen nga institucionet përkatëse.

SBASHK: Sa është numri i mësimdhënëseve anëtar të SBASHK-ut në Klinë dhe sa është interesimi i atyre që nuk janë anëtarë, për t'u antarsuar?

Limanaj: Sipas të dhënave që unë posedoj, numri i anëtarësisë tani për tani është përafërsisht 400 mësimdhënësit. Sipas vlerësimit tim gjatë vizitave nëpër shkolla kam parë që interesimi është mesatar për arsye të shkëputjes së njëanshme të kontratës kolektive në vitin 2021 nga Qeveria e Kosovës.

GJATË MUAJIT

SBASHK-u përgatiti Planin strategjik 2026-2031



SBASHK-u ka vazhduar me aktivitetet sindikale përkrahur nga Qendra Amerikane e Solidaritetit. Kështu më 20 dhe 21 dhjetor 2025 ishin gjendur në një punëtori, që kishte për objektiv përgatitjen e Planit strategjik të aktiviteteve sindikale për pesë vitet në vijim.




Në hapje të këtij aktiviteti, kryetari i SBASHK-ut Rrahman Jasharaj, kishte falënderuar zyrtaren e lartë në Qendren e Solidaritetit, Bruna Hylviu dhe gjithë Qendrën Amerikane të Solidaritetit për përkrahjen e vazhdueshme në përpjekjet për ta forcuar zërin sindikal. Jasharaj kishte kujtuar se edhe ky aktivitet sindikal shumë me rëndësi për krahët nga kjo Qendër.



Zyrtarja e lartë e Qendrës Amerikane të Solidaritetit me seli në Tiranë, znj. Hylviu kishte shprehur respekt për gjithë angazhimet e SBASHK-ut duke konfirmuar se edhe tani e tutje kjo Qendër do të përkrah angazhimet e SBASHK-ut për të qenë të përgatitur në përballje me sfidat e kohës. Ajo kishte theksuar se në secilin aktivitet sindikal përfaqësuesit e SBASHK-ut kanë qenë shumë të angazhuar kështu që janë arritur edhe objektivat e parapara. Znj. Hylviu në fjalën përshëndetëse kishte falënderuar edhe ekspertin e mirënjohur të arsimit z. Dukagjin Pupovci.

SBASHK zgjidhet Anëtar Kandidat për Zgjerim në Komitetin Ekonomik dhe Social Evropian (EESC)



SBASHK gjatë dhjetorit ka pranuar njoftimin zyrtar nga Komiteti Ekonomik dhe Social Evropian (EESC) se është përzgjedhur për të qenë Anëtar Kandidat për Zgjerim (KEZ), duke u bërë pjesë e një procesi të rëndësishëm institucional evropian që lidhet drejtpërdrejt me dialogun social, politikat publike dhe procesin e zgjerimit të



Në vazhdim të kësaj punëtorie Pupovci kishte treguar për objektivat e kësaj punëtorie për të treguar edhe për temat kyçe e duke veçuar Qeverisjen dhe kapacitetet organizative, Shërbimet për anëtarë, për dialogun social, për financat dhe qëndrueshmërinë institucionale dhe për komunikimin, imazhin publik. Kontribut me vlerë në arritjen e objektivave, krahas ekspertit Pupovci kishin dhënë edhe sekretari i Përgjithshëm i SBASHK-ut Ymer Ymeri, nënkryetarja Vjollca Shala, zyrtari Ligjor Blendor Shatri, por edhe pjesëmarrësit tjerë në këtë punëtori. Angazhimi maksimal i të gjithëve kishte bërë që të përgatitet Plani strategjik i SBASHK-ut, i cili paraqet bazën e aktiviteteve që do të zhvillohen në pesë vitet e ardhshme.

Bashkimit Evropian.

Qëllimi i kësaj iniciative të EESC-së është krijimi i një grupi të Anëtarëve Kandidatë për Zgjerim në Kosovë, të cilët do të kenë mundësi të marrin pjesë aktive në hartimin e opinionëve të EESC-së që janë relevante për organizatat e shoqërisë civile (OSHC) dhe për vendet potenciale kandidate për anëtarësim në Bashkimin Evropian.

Ky vendim përbën një njohje të drejtpërdrejtë institucionale evropiane për rolin, seriozitetin dhe përfaqësimin e SBASHK-ut si zë autentik i mësimdhënësve dhe punëtorëve të arsimit në Kosovë. Njëkohësisht, ai përfaqëson një hap me rëndësi të veçantë në integrimin gradual të Kosovës në mekanizmat evropianë të dialogut social dhe të vendimarrjes konsultative.

Rëndësia e Komitetit Ekonomik dhe Social Evropian (EESC)

Komiteti Ekonomik dhe Social Evropian është një organ këshillëdhënës i Bashkimit Evropian që përfaqëson interesat e punëdhënësve, punëmarrësve dhe organizatave të shoqërisë civile. Ai luan një rol kyç në hartimin e legjislacionit dhe politikave evropiane, duke siguruar që

zëri i dialogut social dhe i qytetarëve të reflektohet në proceset vendimmarrëse të BE-së, veçanërisht në fushat e punës, të drejtave sociale, arsimit, kulturës dhe zhvillimit të qëndrueshëm.

Rëndësia e anëtarësimit të SBASHK-ut në këtë mekanizëm Statusi i Anëtarit Kandidat për Zgjerim i mundëson SBASHK-ut pjesëmarrje të drejtpërdrejtë në hartimin e opinioneve të EESC-së, veçanërisht në çështjet që lidhen me arsimin, punën dhe vendet potenciale candidate. Kjo e vendos sindikalizmin kosovar të arsimit në

SBASHK mori pjesë në Konferencën Botërore mbi Inteligjencën Artificiale në Bruksel



SBASHK ishte përfaqësuar në Konferencën Botërore mbi Inteligjencën Artificiale, e cila ishte mbajtur në Bruksel, me një delegacion prej katër pjesëmarrësish të kryesuar nga sekretari i Përgjithshëm i SBASHK-ut, Ymer Ymeri, si dhe nënkryetarja e SBASHK-ut, Vjollca Shala.



Konferenca ishte hapur nga kryetari i Edukimit Ndërkombëtar (EI), Magwena Maluleke. Fjalë përshëndetëse kishin mbajtur edhe kryetari i ETUCE-s, John MacGabhann, dhe kryetarja e Sindikatës së Mësuesve të Amerikës (AFT), Randi Weingarten.

Me temën qendrore: “Formësimi i së ardhmes sonë: Sindikatat e arsimit udhëheqin për një inteligjencë artificiale të përqendruar te njeriu”, gjatë ditës së parë ishin zhvilluar diskutime të rëndësishme rreth përdorimit të inteligjencës artificiale në arsim dhe ndikimit të saj në mësimdhënie, mësimnxënie dhe profesionin e mësuesit.



tryezat evropiane ku artikulohej politikat për të drejtat e punëtorëve, dialogun social dhe drejtësinë sociale në arsim, duke rritur dukshëm zërin dhe ndikimin e mësimdhënësve të Kosovës në nivel evropian.

SBASHK e konsideron këtë zhvillim si një përgjegjësi shtesë, por edhe si një mundësi të rëndësishme për të kontribuar në avancimin e standardeve evropiane në arsimin dhe në mbrojtjen e të drejtave sindikale, në përputhje me praktikën dhe vlerat e Bashkimit Evropian.

Në konferencë ishin trajtuar tema si:

Kornizat dhe qasjet e shkrim-leximit të IA-së dhe ndikimi i tyre në politikat arsimore;

Si duhet të integrohen konceptet e IA-së në kurrikula;

Roli i sindikatave të arsimit në mbështetjen e anëtarëve dhe nxënësve për t'u angazhuar në mënyrë kritike dhe të sigurt me teknologjitë e reja;

Përdorimi i mundësive që IA ofron për arsimin, duke garantuar etikë, privatësi, dinjitet profesional dhe standarde të barabarta për të gjithë.

Gjatë punimeve të konferencës ishin zhvilluar edhe diskutime panelesh ku kishin marrë pjesë përfaqësues të sindikatave nga shumë vende të botës, duke sjellë përvoja, ide dhe modele të zbatimit të IA-së në sistemet edukative.



Delegacioni i SBASHK-ut kishte realizuar takime të rëndësishme me udhëheqës dhe përfaqësues të organizatave ndërkombëtare, përfshirë:

Kryetarin e EI-së, Magwena Maluleke;

Kryetaren e AFT-së, Randi Weingarten;

Kryetarin e ETUCE-s, John MacGabhann;

Drejtorin e ETUCE-së, Jelmert Evers;

Si dhe delegacione nga vende të ndryshme të Evropës, Amerikës, Afrikës dhe Azisë.

Kjo pjesëmarrje e SBASHK-ut përbën një mundësi të rëndësishme për forcimin e bashkëpunimit ndërkombëtar, shkëmbimin e praktikave më të mira dhe avancimin e angazhimit sindikal për një qasje të drejtë, etike dhe të përqendruar te njeriu në përdorimin e inteligjencës artificiale në arsim.

SBASHK mbajti 10 grupe të trajnimit

SBASHK gjatë dhjetorit organizoi 10 grupe të trajnimit dhe mbajti testet për 6 grupe që e kishin përfunduar trajnimin

Gjatë muajit dhjetor SBASHK kishte organizuar dhjetëra grupe të trajnimit për mësimdhënës në dy programe të trajnimit, si dhe kishte organizuar edhe testet për gjashtë grupe të mësimdhënësve të cilët e kishin përfunduar më parë trajnimin “Aplikimi i programeve kompjuterike në mësimdhënie”.


Të martën e 23 dhjetorit u organizua testi në Viti për mësimdhënës të cilët e kishin ndjekur trajnimin në programin “Aplikimi i programeve kompjuterike në mësimdhënie”-moduli 2.



Mësimdhënës të cilët e vijuan trajnimin i përshëndeti edhe kryetari Rrahman Jasharaj, i cili u dha mbështetje në mbrojtjen e të drejtave të tyre dhe përmirësimin e kushteve të punës.



Trajnimi u administrua nga sekretari i Përgjithshëm në SBASHK, Ymer Ymeri, derisa trajnimin e kishte udhëhequr trajneri i përzgjedhur nga SBASHK, Musli Neziri. Për ta përcjellë nga afër mbarëvajtjen e testimit ishte i pranishëm edhe kryetari i NSKAP-it për Viti, Kemajl Bislimi.



Më 19 dhjetor të vitit të shkuar ishin mbatur testet për dy grupe të mësimdhënësve të Mitrovicës të cilët i kishin ndjekur me sukses trajnimet e programit “Aplikimi i programeve kompjuterike në mësimdhënie”, moduli 1 dhe moduli 2.



Testet ishin administruar nga nënkryetarja e SBASHK-ut, Vjollca Shala dhe sekretari i Përgjithshëm, Ymer Ymeri, derisa i pranishëm ishte edhe kryetari i NSKAP-it për Mitrovicë, Isa Ismajli.



Trajnimi “Aplikimi i programeve kompjuterike në mësimdhënie”-mduli 1 ishte udhëhequr nga trajneri i përcaktuar nga SBASHK, Kadri Hyseni, kurse ai “Aplikimi i programeve kompjuterike në mësimdhënie”-mduli 2 nga trajneri Fevzi Selmani.



Sindikata e Bashkuar e Arsimit, Shkencës dhe Kulturës

SBASHK të dielën e 21 dhjetorit kishte mbajtur testin edhe për një grup të mësimeve në Pejë, i cili ishte udhëhequr nga trajneri Burim Karasniqi.



Testi ishte administruar nga sekretari i Përgjithshëm në SBASHK, Ymer Ymeri dhe zyrtari Ligjor, Blendor Shatri. I pranishëm ishte edhe kryetari i NSKAP-it për Pejë, Isuf Lajqi i cili ishte kujdes për mbarëvajtjen e trajnimit dhe testit.



Ndërkohë, dy javë më parë testet ishin organizuar edhe për 4 grupe të trajnimit. Të dielën e 7 dhjetorit, SBASHK kishte organizuar testet për katër grupe të mësimeve të cilët e kishin përfunduar më parë trajnimin në programin "Aplikimi i programeve kompjuterike në mësime" në Lipjan dhe Skenderaj.



Në Lipjan ishin mbajtur testet për dy grupe të mësimeve, një në programin "Aplikimi i programeve kompjuterike në mësime"-moduli 1 i cili ishte udhëhequr nga trajneri Idriz Sopa dhe grupi tjetër në programin "Aplikimi i programeve kompjuterike në mësime"-moduli 2, i cili ishte udhëhequr nga trajnerja e përcaktuar nga SBASHK, Blerona Ahmeti.



Testet në Lipjan ishin administruar nga sekretari i Përgjithshëm, Ymer Ymeri dhe zyrtarja Nezafete Jakupi, derisa mësimeve i kishte vizituar edhe kryetari i NSKAP-it për Lipjan, Emrush Ahmeti.



Po ashtu testet për dy grupe të mësimeve ishin mbajtur edhe në Skenderaj në programin "Aplikimi i programeve kompjuterike në mësime"-moduli 1.



Trajnimet ishin udhëhequr nga trajneret e përcaktuara nga SBASHK, Fatlume Mehmeti dhe Arbenita Gashi, kurse testet ishin administruar nga zyrtari Ligjor në SBASHK, Blendor Shatri.



I pranishëm ishte edhe kryetari i NSKAP-it për Skenderaj, Shpend Rexha i cili ishte kujdesur për mbarëvajtjen e procesit.



Gjatë dhjetorit SBASHK kishte organizuar edhe dhjetë grupe të reja të trajnimit në dy programe të ndryshme: “Aplikimi i programeve kompjuterike në mësimdhënie” si dhe “Forcimi i kapaciteteve për udhëheqje efektive të dialogut social”.



Të shtunën e 13 dhjetorit kishin filluar tri grupe të trajnimit, dy në programin “Aplikimi i programeve kompjuterike në mësimdhënie” dhe një në atë “Forcimi i kapaciteteve për udhëheqje efektive të dialogut social”. Në Mitrovicë kishin filluar dy grupe të trajnimit, një në programin “Aplikimi i programeve kompjuterike në mësimdhënie”, me trajner Fevzi Selmani.

Kurse grupi tjetër në programin “Forcimi i kapaciteteve për udhëheqje efektive të dialogut social”, me trajner Muhamet Shala.


Në po të njëjtin program, një grup i mësimdhënësve e kishin filluar trajnimin edhe në Rahovec, ku trajnimin e kishte udhëheqë trajneri i përcaktuar nga SBASHK, Gani Kryeziu.



Mësimdhënësit në Rahovec i kishte vizituar edhe kryetari i NSKAP-it për këtë komunë, Mehmet Kryeziu, i cili ishte kujdesë për mbarëvajtjen e trajnimit dhe kushtet e punës.



Ndërkohë, të shtunën e 6 dhjetorit SBASHKu kishte filluar me 6 grupe të trajnimit. Në Prishtinë kishin filluar dy grupe të trajnimit në programin “Aplikimi i programeve kompjuterike në mësimdhënie”-moduli 2, me trajneren e përcaktuar nga SBASHK-u, Doruntina Demaku dhe trajnerin Arben Zymeri. Mësimdhënësit që e kishin filluar trajnimin i kishte vizituar edhe kryetari i NSKAP-it për Prishtinë, Qamil Hajdini, i cili u kishte uruar sukses mësimdhënësve në zhvillimin profesional.



Një grup i trajnimit në programin “Aplikimi i programeve kompjuterike në mësimdhënie”, kishte filluar edhe në Drenas, me trajnerin e përzgjedhur nga SBASHK,

Nexhmedin Gruda. Edhe mësimdhënësit e Drenasit i kishte vizituar kryetari i NSKAP-it për këtë komunë, Ililaz Dervishi.

Kurse në Malishevë SBASHK kishte filluar me dy grupe të reja të trajnimit: Aplikimi i programeve kompjuterike në mësimdhënie dhe Forcimi i kapaciteteve për udhëheqje efektive të dialogut social.



Grupin nga programi “Aplikimi i programeve kompjuterike në mësimdhënie”, e kishte udhëhequr trajneri i përcaktuar nga SBASHK-u, Albert Samadraxha

kurse atë të programit “Forcimi i kapaciteteve për udhëheqje efektive të dialogut social”, e kishte udhëhequr trajneri Skender Gashi.



Edhe në Vushtrri kishin filluar dy grupe të trajnimit në po këto programe. Trajnimin në programin “Aplikimi i programeve kompjuterike në mësimdhënie” e kishte udhëhequr trajneri i përcaktuar nga SBASHK, Afrim Haziri kurse trajnimin e programit “Forcimi i kapaciteteve për udhëheqje efektive të dialogut social”, trajneri Zahir Kastrati.

SBASHK vazhdon angazhimin në shërbim të anëtarësisë më organizimin e trajnimeve pa pagesë për të gjithë mësimdhënësit anëtar.

SBASHK ishte pjesëmarrës në Konferencën e Parë të projektit evropian “Mësimdhënia Rreth Orës (TAC)”



SBASHK në dhjetor kishte përfaqësuar mësimdhënësit e Kosovës në një ngjarje të rëndësishme evropiane e cila ishte mbajtur në Romë– Konferencën e Parë të projektit “Mësimdhënia Rreth Orës (TAC)”, organizuar nga ETUCE, ku marrin pjesë sindikata të arsimit nga i gjithë kontinenti.



SBASHK në Romë ishte përfaqësuar nga nënkryetarja Vjollca Shala dhe sekretari i Përgjithshëm Ymer Ymeri, të cilët kishin kontribuar në diskutimet profesionale dhe po paraqesin qartë sfidat, përvojat dhe realitetin e mësimdhënësve tanë. Në fillim të takimit ishte prezantuar agjenda dhe objektivat e projektit TAC, i cili synon të sjellë një pasqyrë të saktë dhe të bazuar në të dhëna të ngarkesës së vërtetë të punës së mësuesve në Evropë. Ishte theksuar se shumë punë e mësuesve mbetet “e padukshme”, si përgatitja e mësimëve, vlerësimi, komunikimi me prindërit dhe detyra të tjera që tejkalojnë orarin e planifikuar. Përfaqësues nga vende të ndryshme evropiane – Belgjika, Gjermania, Danimarka, Polonia dhe të tjera – kishin prezantuar gjetje kërkimore mbi: orarin real të punës së mësuesve, ndikimin e stresit dhe përgjegjësisë shtesë, diferencat e mëdha ndërmjet vendeve në paga dhe kushte pune, mungesën e investimeve në arsim, sfidat e sigurisë profesionale dhe mungesën e mësuesve të kualifikuar.



Këto të dhëna kishin treguar qartë se ngarkesa e tepërt e punës dhe presioni i vazhdueshëm po ndikojnë në shëndetin, motivimin dhe cilësinë e procesit mësimor. Ishin prezantuar gjithashtu studime që tregojnë se stresi i akumuluar i mësuesve ka pasoja të drejtpërdrejta në cilësinë e të nxëniet. Përfaqësuesit tanë kishin paraqitur me dinjitet sfidat që përjetojnë mësuesit në Kosovë: mungesa e investimeve

adekuate, pagat ende larg standardeve evropiane, punët e shumta shtesë jashtë orarit të mësimdhënies, nevoja për mbështetje profesionale dhe kushte më të sigurta pune. Ata kishin marrë pjesë aktivisht në diskutime dhe po krijojnë ura bashkëpunimi me sindikatat simotra evropiane, duke kontribuar që zëri i arsimit të Kosovës të dëgjohet në tryeza me rëndësi ndërkombëtare.

SBASHK kishte kërkuar sqarime rreth konkursit për Këshillin Ekonomik Social

Ministri në detyrë Hekuran Murati e kishte bërë të pamundurën që ta bllokojë dialogun social mes Qeverisë, punëdhënësve dhe Sindikatave, që janë pjesë e BSPK-së. Ai për këtë qëllim kishte pamundësuar shpalljen e konkursit për aplikim të palëve për 3 vite me radhë. Më në fund tani kur është vetëm ministër në detyrë ai ka shpallur konkurs me kriteret të çuditshme e të pabazuara në Ligjin për Këshillin Ekonomik Social. Në konkursin e Muratit për KES përmendet numri prej 41.449 anëtarëve që duhet t'i kenë sindikatat. Ligji për KES kërkon se për të aplikuar për këtë Këshill, sindikata duhet t'i ketë anëtarë 10% i të punësuarve. Shtrohet pyetja se ku e mori Murati shifrën 41.449. Për cilët të punësuar mendon Murati? Po ashtu SBASHK publikisht kërkon sqarim nga Murati për termin "degë sindikale". Ligji për organizim sindikal nuk e përmend këtë term, por saktëson tre terma për organizimin sindikal dhe atë shoqata sindikale, federata sindikale dhe Konfederata sindikale.

Duke u bazuar në këto paqartësi, që nuk janë bërë pa qëllim, SBASHK-u kërkon që thirrja drejtuar palëve për pjesëmarrje në bazë të konkursit me plotë paqartësi të anulohet dhe të shpallet konkurs i ri duke përdorë terme të qarta dhe duke u bazuar në Ligjin për organizimin sindikal dhe në Ligjin për Këshillin Ekonomik Social e duke mos harruar se në Kosovë është BSPK-ja e vetmja Konfederatë e regjistruar dhe prandaj ajo duhet të jetë pjesëmarrëse në një konkurs të ri për Këshillin Ekonomik Social si përfaqësuese e të punësuarve në Kosovë.

Republika e Kosovës - Republic of Kosovo
Sindikata e Bashkuar e Arsimit, Shkencës dhe Kulturës
The Union of Education, Science and Culture
Rr. Agim Ramadani p.n.-Qendra e Studimeve 10000 Prishtinë, Tel/Fax: +383(0)38 324 948,
www.sbask-shka.org E: sbask2004@yahoo.com info@sbask-shka.org

Për: Ministrinë e Financave, Punës dhe Transfereve
Ministrit në detyrë – z. Hekuran Murati

Nga: Sindikata e Bashkuar e Arsimit, Shkencës dhe Kulturës (SBASHK)
Kryetari – Rrahman Jasharaj

Bazuar në Ligjin për organizim sindikal, Statutin e SBASHK-ut, SBASHK i drejtohet institucionit tuaj më këtë:

KËRKESË

Për sqarim rreth konkursit për Këshillin Ekonomik Social

I.Të sqarohet detajisht se mbi cilën bazë ligjore keni cekur në kriteret e aplikimit të sindikatave numrin prej 41.449 anëtarëve sindikale, kur në Ligjin për KES ceket 10% e të punësuarve si dhe ku e keni marrë këtë numër.

II.Të sqarohet termi "degë sindikale", se çfarë keni dashur të thoni me të, për shkak se nuk është në harmoni me Ligjin për organizim sindikal.

ARSYETIM

I.

Ne si Sindikatë e Bashkuar e Arsimit, Shkencës dhe Kulturës – SBASHK, jemi anëtarë të Konfederatës së vetme në Republikën e Kosovës, e cila është Bashkimi i Sindikatave të Pavarura të Kosovës – BSPK. Zyrtarisht, BSPK është Konfederata e vetme në Kosovë që ka certifikatë të regjistrimit të lëshuar nga Ministria e Punës, siç ishte më parë. Për ta marrë atë certifikatë nevojitet të sigurohet 10% e të punësuarve si anëtarë në Konfederatë, kriter të cilit BSPK e ka plotësuar dhe është pajisur me certifikatë si Konfederatë. Në bazë të veprimtimit tuaj, kur keni paraqitur në thirrje për aplikim numrin prej 41.449, e konsiderojmë si veprim të jashtëligjshëm dhe tendencë për të krijuar paqartësi rreth aplikimit të Konfederatës së vetme në Kosovë. Gjithashtu kërkojmë që na sqaroni saktë se ku e keni marrë numrin prej 41.449 sepse ne mendojmë se ky numër është më i vogël dhe qëllimisht është shkruar edhe pse cekja e numrit është e jashtëligjshme.

II.

Tek thirrja për aplikim për Këshillin Ekonomik Social, përkatësisht tek kriteret për sindikatat, është përdorur termi "degë sindikale", pavarësisht se në Ligjin për KES-in shënon ashtu. Ne

kërkojmë të sqarohet kjo pikë, për shkak se në Ligjin për organizimin sindikal ekzistojnë vetëm këto terma:

1. Shoqatë sindikale
2. Federatë sindikale
3. Konfederatë sindikale

Pra, e kemi të paqartë kërkesën për numrin e degëve sindikale se çfarë saktësisht është kërkuar. Mbi këtë bazë kërkojmë që thirrja të anulohet dhe thirrja e re të shpallet duke u përpiluar në harmoni me Ligjin për KES-in dhe Ligjin për organizimin sindikal, dhe të mos ketë terma të paqarta dhe kërkesa me numra strikt, siç është rasti i 41.449 anëtarëve për sindikata, sepse Ligji për KES-in kërkon vetëm 10%. BSPK është Konfederata e vetme që e ka të konfirmuar me certifikatë regjistrimi përqindjen prej 10%.

Shpresojmë në mirëkuptimin dhe veprimin tuaj pozitiv që këto kërkesa tona të drejta të realizohen.

Prishtinë: 12.12.2025

Kryetari i SBASHK-ut
Rrahman Jasharaj

R. Jasharaj

SBASHK në Bruksel - AI, barazi dhe gjithëpërfshirje në arsim



Nga 15–17 dhjetor, SBASHK kishte marrë pjesë në Bruksel në trajnimin e përbashkët të ETUI dhe ETUCE: “Inteligjenca Artificiale, barazia dhe gjithëpërfshirja në arsim – ndërtimi i veprimeve sindikale”. SBASHK ishte përfaqësuar nga sekretari i Përgjithshëm, Ymer Ymeri, dhe kryetari i Komisionit Statutar, Blendor Shatri.

të jenë krah për krah me kolegët evropianë – me më shumë mbrojtje dhe më shumë perspektivë.

SBASHK – zëri yt në Kosovë dhe në Evropë.



Ky trajnim ishte i rëndësishëm sepse AI po ndryshon arsimin, dhe sindikatat duhet të sigurojnë që kjo teknologji të përdoret në mënyrë të drejtë, pa diskriminim dhe në shërbim të mësimdhënësve dhe nxënësve.

Në këtë takim kishte marrë pjesë edhe përfaqësuesja e Sindikatës së Pavarur e Arsimit të Shqipërisë SPASH, Matilda Zani.

SBASHK vazhdon të jetë aktive në rrjetet sindikale evropiane dhe botërore, duke mbrojtur interesat e anëtarësisë dhe duke punuar që mësimdhënësit e Kosovës

